



Publicaziuns dalla vischnaunca, jamna 38

Elecziuns communalas, votaziuns federalas e votaziun communalas dils 27 da settember 2020

L'urna principala en casa communalas ei aviarta sco suonda:

Dumengia, ils 27-9-2020, 9.00–11.00

La documentaziun da votar duess mintga votant/a haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 25 da settember 2020, allas 17.00**, tier l'administraziun communalas (tel. 081 920 36 36).

Levgiament da votar

Mintga votant/a ha la pussevliadad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (supplicau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 27 da settember 2020 allas 11.00 tier l'administraziun communalas.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communalas

Damondas da baghegiar

2020-1057.000

Datum dalla publicaziun: Ils 18 da settember

Ils patruns: Silvio ed Evelina Giger-Manetsch, Via da Scola 6, 7180 Disentis/Mustér

Il representant: huonder bisquolm architects sa, Via da Scola 18, 7180 Disentis/Mustér

Object: Nova casa d'ina famiglia, parcella 1539, Via Plauns 21, 7180 Disentis/Mustér

2020-1058.000

Datum dalla publicaziun: Ils 18 da settember

Ils patruns: Placi e Cornelia Monn-Cabalzar, Via Plaun Sut 5, 7180 Disentis/Mustér

Object: Construcziun d'in suttetg per il balcon existent, parcella 1829, Via Plaun-Sut 5, 7180 Disentis/Mustér

2020-1059.000

Datum dalla publicaziun: Ils 18 da settember

Ils patruns: Prema Gross e Nicola Mercolli, Via Sogn Antoni 18, 7182 Cavardiras

Object: Construcziun d'ina annexa sco stanza da magliar e sanaziun dil tetg principal, parcella 2125, Via Sogn Antoni 18, 7182 Cavardiras

2020-1060.000

Datum dalla publicaziun: Ils 18 da settember

La patruna: Verena Werth, Via Sursilvana 5, 7180 Disentis/Mustér

Il representant: Linus Maissen, Via Foppas 10, 7186 Segnas

Object: Reunir duas habitaziuns tier ina habitaziun enteifer igl edifeci nr. 16, parcella 912, Via Sursilvana 5, 7180 Disentis/Mustér



2020-5002.000

Datum dalla publicaziun: Ils 18 da settember

Ils patruns: Albert ed Annemarie Spescha, Via Acletta 4, 7180 Disentis/Mustér

Object: Procedura posteriura: sanaziun energetica dil tetg-casa, parcella 1317, Via Acletta 4, 7180 Disentis/Mustér.

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 18 da settember 2020

Uffeci da baghegiar Disentis/Mustér

Lubientschas da baghegiar

L'instanza da baghegiar ha concediu suandontas lubientschas da baghegiar:

Nr. 2020-1023.000

Vischnaunca Disentis/Mustér, Via Cons 2, 7180 Disentis/Mustér: spazzar il plaz dalla suoschna da rumien e postar treis molocs, parcella 2293, Via Acletta, 7180 Disentis/Mustér

Nr. 2020-1038.000

Recal SA, Via dalla Stampa 8, 7180 Disentis/Mustér: amplificaziun dil scaldament lontan, parcella 701, Via da Scola 4, 7180 Disentis/Mustér.

Nr. 2020-1045.000

Gloria Grimmer e Peter Zuber, Zugerstrasse 116, 6330 Cham: sanaziun ed engrondaziun dil balcon, parcella 655, Via Sontga Gada 2, 7180 Disentis/Mustér.

Nr. 2020-1047.000

Phan & Co AG, Frohburgstrasse 67, 8006 Zürich: midada d'intent dil depot da lenna en ina habitaziun, parcella 600, Via Run 1, 7180 Disentis/Mustér.

Nr. 2020-1048.000

Ervin e Luzia Maissen-Rogger, Via Latis 6, 7180 Disentis/Mustér: sanaziun termica dallas fatschadas e renovaziun dalla habitaziun el plaun sura, parcella 576, Via Latis 6, 7180 Disentis/Mustér.

Disentis/Mustér, ils 18 da settember 2020

Uffeci da baghegiar Disentis/Mustér

Annunzias da baghegiar

All'instanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2114.000

Alexi Zazzi, Via Luzzas 11, 7180 Disentis/Mustér: lavurs da manteniment vid las lingias da drenadi, parcella 857, Via Davos-Mustér 6, 7180 Disentis/Mustér

Nr. 2020-2115.000

Felicia Deflorin, Via Lucmagn 10, 7180 Disentis/Mustér: sanaziun interna dalla habitaziun ell'emprema alzada, parcella 781, Via Lucmagn 10, 7180 Disentis/Mustér.



Nr. 2020-2116.000

Baseli Jacomet, Via Crestas 28, 7183 Mumpé Medel: sanaziun dil bogn, parcella 2172, Via Crestas 28, 7183 Mumpé Medel.

Nr. 2020-2118.000

Renato Deflorin, Montalinstrasse 12, 7012 Felsberg: dislocaziun dall'entrada el mises, parcella 3184, Prau Sura, 7186 Segnas.

Disentis/Mustér, ils 18 da settember 2020
Uffeci da baghegiar Disentis/Mustér

Impediments da traffic

Sco usitau han era uonn liug differentas lavurs da manteniment vid vias communalas. Cunzun las lavurs vid la Via Raveras e la Via Sontga Gada vegnan ad esser cumbinadas cun impediments da traffic. Las lavurs ein previdas suandontamein:

Via Sontga Gada, manteniment	22 e 23 da settember 2020
Via Cavardiras, manteniment	22 e 23 da settember 2020
Via Raveras, manteniment	28 da settember entochen ils 2 d'october 2020

Via Raveras, project d'avertura Las lavurs da catram en connex cul project d'avertura succedan prevedentamein medemamein naven **dils 28 da settember 2020**.

Eventualas untgidas durant il temps da construcziun vegnan signalisadas. Nus engraziein a vischinas e vischins per la pazienza e la capientscha.

Disentis/Mustér, ils 14 da settember 2020
Infrastructura e baghegiar Disentis/Mustér

Molocs (containers sutterrans)

Liug da rinnada mo per sacs verds dalla Regiun Surselva

Preziadas convischinas, prezias convischins
Ils responsabels dalla vischnaunca Disentis/Mustér constateschan adina puspei ch'ei vegn deponiu els molocs buca mo rumien da casa en sacs verds dalla Regiun Surselva, mobein era sacs grischs e ners senza marca, cartun, PET ed autra rauba. Quei rumien astga buca vegnir fiers els molocs, mobein sto vegnir dismiss a Raveras alla piazza da rinnada da rumien. La dismissa incorrecta caschuna lavur supplementara e cuosts sco era in castitg nungiavischau pil delinquent.

Nus supplichein convischinas e convischins da respectar igl uorden communal e da deponer els molocs mo ils sacs verds da rumien. Bien engraziament per Vossa capientscha e cooperaziun.

Uffeci da baghegiar ed infrastructura

Preavis serradas da vias d'uaul

Via d'uaul Cavardiras–Caischavedra

Muort lavurs da construcziun vid la via d'uaul da Cavardiras–Caischavedra (remplazzament dil canaster da lenna sut via e remplazzament dalla cuvrida dalla punt) vegn la via serrada naven **dils 12 d'october tochen ils 23 d'october 2020** per tut traffic, pia era per pedunzs. Quei naven dalla cruschada a Runtget entochen tier las Aclas da Cavardiras.



Via d'uaul Runfoppa

Muort lavurs da transport da lenna cun suga e camiun a Runfoppa Sut, vegn la via da Runfoppa mintgamai ad esser serrada pil traffic motorisau sco era per pedunz durant il temps da lavur. Las lavurs entscheivan prevedentamein (dependent dall'aura) **gliendisdis, ils 19 d'october 2020** e cuozan duas jamnas. La via vegn ad esser serrada naven dalla damaun allas 7.00 entochen la sera allas 18.30. Per pedunzs ei igl access ensiviar garantius sur la via veglia viers Pégn Rodund.

Dalla punt a Runfoppa Sut, Val Calaus vegn remplazzau la cuvrada da lenn. Per quei intent vegn la via serrada naven **dils 4 da november 2020** durant duas jamnas per tut traffic. Per pedunzs ei igl access ensiviar garantius sur la via veglia viers Pégn Rodund.

Nus supplichein da prender enconuschientscha da quests preavis. Bien engraziament per la capientscha.

Disentis/Mustér, ils 18 da settember 2020
Uffeci forestal Disentis/Mustér

Controlla da habitonts

Mortori

Rita Columberg-Gadola, naschida ils 4 da november 1941, morta ils 15 da settember 2020

Rimnada da pupi

Venderdis, ils 9-10-2020!

Preziadas convischinas, preziai convischins. La rimnada da pupi digl october ha liug sco usitau. **Adatg!** Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca durant la rimnada. Bien engraziament per Vies agid e sustegn!

Nossa Scola populara Mustér, Ch. Berger

Spirituelle Kirchenraumführung

Samstag, 19. September 2020, 16 Uhr

Kinder-Treff im Aua Viva

Am **Mittwoch, 30. September**, laden wir von 15.00–16.30 Uhr zum Kinder-Treff im Aua Viva ein. Wir wollen zusammen singen, Geschichten hören, basteln, spielen und Spass haben! Der Kinder-Treff ist offen für reformierte und andere interessierte Kinder von ca. 5–10 Jahren. Auch Eltern sind willkommen, wenn dies die Kinder wünschen. Weitere Auskünfte und Anmeldung bis 20. September bei Bettina Müller Hendry, 078 808 58 53. Wir freuen uns auf einen fröhlichen Nachmittag!

Yvette Riesen, Eva-Katharina Tomaschett, Susanne Strupler, Bettina Müller Hendry



Uniun da gimnastica UGM

La gimnastica per seniors e giuvens seniors entscheiva **gliendisdis, ils 21 da settember 2020**, allas 20.00 el center da sport e cultura. Novits ein cordialmein beinvegni.

Amicabels salids sportivs
La suprastonza

Uniun gimnastica da dunnas Mustér

Nus purschin puspei uras da ski-fit tochen december: **Mintga jamna la gievgia allas 19.30 el Center da sport Mustér**. Nus envidein tuts che han plascher da far ina ura fitness cun nus. L'occurrentza cuosta.

Frauenturnverein Disentis

Wir beginnen wieder mit unseren Ski-Fit-Lektionen bis Ende Dezember: **Jeweils wöchentlich am Donnerstag, 19.30 Uhr im Center da sport**. Wir laden alle ein, mit uns eine Fitness-Stunde zu erleben. Kostenpflichtig.

Ulteriur sclariment sut / weitere Auskunft unter: 079 672 50 46 Helga Probst
